

理瀾外治方要

有甲臣藥學委會編

編號 11-102 $\frac{8}{12}$



理瀕外治方要



光緒癸未孟秋
江西書局開雕



天地一氣之所鼓盪也人身一氣之所周流也
天地之氣不順變爲灾祲人身之氣不和釀成
疾病由是湯液之法主治內敷貼之方主治外
內外分科而治法亦判而爲二矣錢唐吳君尙
先著有理瀰駢文勑用膏藥並治內外諸症其
法有五審陰陽察時行求病機度病情辨病形
各有主膏亦各有糝藥其臟腑之寒熱相移者
則究其本始而治之其病之兼臟腑者則又分

臟腑而治之至婦女之經期胎產乳岩等症莫
不本仲景經文爲用膏藥之大法並附膏方二
十有一糝藥方二十有七嘗行之於江北治效
歲以萬計余自客歲旋里養疴僦居瀆川兼施
醫藥并宗其敷貼之法而濟以鍼刺俾鬱結之
氣宣而膏藥之氣尤易滲入治病頗有奇驗大
抵病之由外入內流行於經絡臟腑者固非一
膏一藥所能治若初感時邪或爲六氣所侵或



爲七情所鬱氣凝血滯及有形狀可按者以膏藥按上中下三焦要穴貼之閉其外邪從入之途而後或提或散或清或溫糝之以藥則通經活絡之方視湯液尤爲得力蓋其外治之法實與內治並行并可以內治之法移爲外治不待切脈不煩飲藥而自可奏功且以膏藥治病用之而效固有奇功偶或不效亦無大害較之孟浪用藥一誤而不可救者其存心之仁與不仁

豈可同日語哉竊嘉吳君之擇術仁而用意厚
爰弁數言以付剞劂并志膏藥之功用云時
光緒三年正月吳縣潘燾



穴側右



穴側左



略言

一醫以濟世術貴乎精奔走衣食之徒率多以
人試藥如授以外治之法俾之按方治病果
能從心變化自有奇功即使辨證未清亦無
厚禍此編屢經試驗全活甚多實良工之苦
心非藉此以藏拙學者諒諸

一外治之法鍼灸最古後世專用湯液方藥繁
多學者既畏其難而用之亦多不驗今思變

而通之無悖於古有裨於今莫如膏藥一治
所集多方名曰理瀹外治方要醫者理也藥
者瀹也實則外治之說也

一膏藥之用最便窮民患病既無力延醫平時
亦服藥不雜配合施送藥到病除費用無多
而功德匪淺若夫富貴之家偶沾微恙名醫
滿堂視膏藥爲平庸以參芪爲常品亦不能
強而從之也



一集中如清陽膏治風熱第一散陰膏治寒溼
第一雲台膏通治發背搭手一切無名腫毒
不用刀針升降爛藥始終只用此膏最爲簡
捷故又名仙拈一貼膏催生膏治交骨不開
及各種難產除虛證外惟此四膏用之最多
功難盡述

一學醫之難在不能窺見藏府而心術殘忍者
暗中摸索大言欺人字句旣多未明癥結何

理海外方要
由洞見此則分三焦而治之上焦宜噓卽以
治表下焦宜坐卽以治裏中焦宜炒熨煎抹
之法卽以統治表裏與半表裏也

一治上焦風熱及內外熱證並用清陽膏外感
風熱初起頭痛者以一膏貼太陽並風門風
卽散無傳經之變內熱者兼貼臍中夾食者
並貼金仙膏

一中焦鬱積用金仙膏爲多能和氣血治脾胃

百病氣痛腹痛立效瘡疾先用金仙膏貼胸口化其痰食暑熱卽輕數發後可截者用散陰膏加藥末以生姜擦貼項後第三四骨中間二三張卽愈痢疾無論老少卽用金仙膏一貼胸口一貼臍上數日卽愈

輕者用膏三分重者用膏

錢一

一下焦寒溼用散陰膏爲多若上熱下寒者貼足心脾虛泄瀉者貼臍並治風寒溼痺筋骨

疼痛及跌打閃挫一貼卽愈餘如行水膏專
治溼熱養心清肺滋陰健脾扶陽數膏皆不
可少全方均載後卷務須平時配合以便救
急扶危

一各善堂專資利濟此法最爲相宜堂中延老
成有德精明醫理者一人主送診內外雜證
務須得人以四診中以望聞問爲主而切脈
免臨時誤用則略焉蓋脈理精微非息心靜氣難於憑準

人多證雜必致混淆不如望聞問之確也又

以勤敏精細者一人專司攤膏研藥

合膏須另請店

中老手爲之局首親考其藥料之優劣察其火候之淺深及合既成權其分兩付局攤用

粗工一人備供給使令每日自辰至戌來診

者不以時限

不以過午爲限蓋窮民非獨惜錢并惜工夫也

隨到隨

給

姓名證候給時隨手錄簿不惟可知人求數多寡膏藥出入重證復診亦便查對

者既樂其便而診者亦寬然有餘

代帶不親到者不給

恐有錯誤如實有病不能親赴者須將病源開清再爲發給其有指名何膏出錢購買者

與之以廣流傳所統計一善堂中月閱證四
入之錢仍歸公用

五千人歲約五六萬人出膏大小約十萬餘

張末藥錠藥副之爲費三百金以百金充局用餘皆歸於

藥材雖不能盡人皆愈而十亦愈其八九誠事

簡而功倍也韓園記